

non è da dubitar di Trevixo, pur li sia danari. È stà dito, el campo è levato e va a la volta de la Piave per andar in Friul, et il provedador à mandato fuora da 100 cavali de' stratioti per sopraveder; quello riporterà, subito darà aviso.

De Ingaltera di sier Andrea Badoer, orator, fo letere in zifra, ozi, di 25 luio fin avosto. In sumario si duol, la Signoria non li scrive di successi e non li provedi di danari da viver, et le letere è date in Londra, e il re è cavalchato per il regno, sarà per otubrio de li. *Item*, è partito l'orator dil re, chiamato, qual va, et in camino, andagando, troverà uno orator di Spagna, e insieme anderano in Franza a protestar al roy, lassì Bologna e le altre terre di la chiezia *aliter*, etc. *Item*, che per englesi è stà preso a 3 nave di scozesi. *Item*, il re à mandato zente verso Scozia, *licet* sia suo cugnato, per esser dito re francese. *Item*, che madama Margarita in Fiandra è su le arme più cha mai contra il ducha de Geler, et ha XX milia combatenti. *Item*, il re di Spagna è tiratò verso Rosiglion, et à voluto ne le man 4 castelli dil re di Navara per segurtà di quelli confini, e altre particolarità, *ut in litteris*.

255 • Fu posto, per li savij, che sier Michiel Memo, sier Zuan Dolfim et sier Mafio Bolani, *olim* a le cazude, debitori di danari di camerlengi, *ut in parte* dagi a la Signoria tra l'horo ducati 1000 in contadi, e sia canzelà il suo debito etc. Fu presa.

222 Fu posto, per li savij, che sier Giacomo Soranzo e compagni, creditori dil dazio dil vin 1509, che à vadagnà, depositando ducati 2200 possi tuor tanti debitori dil dito officio e incorporar e scontar in angarie etc. Sier Antonio Trun messe voler la parte con questo, *etiam* li creditori di do pro e mezo dil monte vecchio, depositando altratanto dil pro, possi incorporar e scontar in le angarie poi un anno etc. Et parlò sier Lucha Trun altamente contra il colegio, cargò li governadori etc. Li rispose sier Antonio Trun, e andò le do opinion, e pendeva quella dil Trun, manchava do balote a prender. Et poi vene letere di Trevixo, di horre 21, et lete, il Trun si tolse zoso, et andò una sola parte et fu presa.

Nota. Fo mandato in questa sera ducati 4000 a Mestre, et scritto per colegio a Trevixo, se li par possino andar sicuri, li mandino a tuor, e non se li mancherà di tutte le provision.

Di Trevixo, dil podestà e provedador, di hore 21, ozi. Come circha a horre 3 1/2 veteno alcuni fochi nel campo nimicho, e l'horo tutti giudicono, nemici esser levati, et a horre 14 zonse soi explo-

ratori e li feno intender, i nimici esser levati, et li cavali lizieri, che erano fuora, nostri, riportò, li cavali lizieri de' inimici atender a queste bande verso la porta di Santi 40. Subito deteno a l'arme, et con bon cuore tuti li zentilhomeni e soldati se messeno in hordine, ogniuno a la sua posta; e lui provedador da una banda et il signor capetanio da l'altra andavano confortando li soldati, il che tuti stevano con buon cuor e acresevali hognihora meglio. *Item*, scrivendo questa, a horre 18 1/2, zonse domino Constantin Paleologo, capo di stratioti, e disse, i nimici esser levati e venuti mia 5 lontan di qui, e li soi cavali lizieri venuti mia 2 lontan di qui per botinizar. Dize che francesi e todeschi sono 18 milia fanti et homeni d'arme 1200, e cavali lizieri 500 tra stratioti, corvati e taliani; artelaria grossa boche 16, canoni, falconeti e altre artelarie menude, e sono per venir a questa impresa con animo di far cosse assai, et l'horo li aspetano con lo ajuto de Dio, con bon animo et cuor, nè li temeno di cossa alcuna, et voria esso provedador i venisse ad ogni modo per non dubitar.

Dil dito, di horre 5, zonte la note. Come in quella sera hano, i nimici esser alozati mia 5 in 6 lontan di qui; doman alozerano a Villa Orba, perchè ozi hanno spento un squadron di cavali lizieri, et, per quello si judicha, domenegà si presenterano, ch'è a di , e pianterano le sue artelarie soto questa terra. Nostrì stanno con bon cuor et animo, e spera, i nimici si partirano con vergogna etc.

Dil provedador Gradenigo, di XI, horre 6, 256 venute eri e lete ozi im pregadi. Dil zonzer il colateral li, qual con lui è stato atorno a veder quanto è fortlichato. Et ozi Alexandro Leopardi è venuto a Venecia, dice, sabato ritornerà e lo aspetano con desiderio per esser optimo inzegner. Sier Zuam Vitori eri zouse. *Etiam* Antonio di Castello con li soi provisionati e aleuni è rimasti a Mestre. *Etiam* è zonto Maphio Cagnolim, qual à posto in castello. *Item*, gionseno li X contestabeli mandati, con uno fameio per uno; li piace, et li meterà in exercitio. Questo aviso è di letere di hore 19. Poi, di horre 6, scrive, questa note andando atorno, per uno, venuto dil campo, intese, a di 9 gionseno l'artelarie, erano in Soave, qual sono 6 canoni, 2 colubrine, 40 falconeti in zercha e lanze 200 et fanti 3000 novi. Todieschi hano 21 in 22 pezi, zoè 6 canoni grossi, fra li qual uno grandissimo, qual haveano a campo a Padoa, et uno caro porta l'artelaria e uno altro porta el zocho, e sono tutti do cari mati. Falconeti e artelarie menude ne hanno da zercha 40 in tutto,